



Boađe mielde doaimmaide!

Mannerheima mánáidsuodjalanlihttu



MANNERHEIMIN
LASTENSUOJELULIITON
Lapin piiri

LAPSET ENSIN

Mannerheima mánáidsuodjalanlihttu

- Lea jagi 1920 vuođđuduvvon álbmotsearvi.
- Ovddida mánáid, nuoraid ja mánnábearrašiid buresbirgema.
- Doaibmá olles Suomas.
- Lea politihkalaččat ja oskkoldatlaččat čatnasmeahttun

Mannerheima mánáidsuodjalanlihttui gullet:

- Guovddášsearvi
- 10 biire
- 588 báikkálašsearvvi
- Badjel 91 000 lahtu

MLL:a árvvut

- Máná ja mánnávuođa árvvus atnin
- Oktasaš ovddasvástádus
- Olmmošvuohta
- Ovtaveardásašvuohta

MLL:a prinsihpat

- Rabasvuohta
- Illu
- Guoibmevuohta
- Searvevuohta
- Árgaeallima árvvus atnin



Doaimmat bearrašiidda ja mánáide



Bearaškafeat

MLL:a bearaškafeas unnamánáid vanhemat sáhttet oahpásnuvvat nuppit nuppiidasaset ja juogadit vásáhusaideaset. Mánát gávdnet bearaškafeas stoahkanskihpariid. Bearaškafeas ságastallet, juhket káfe dahje deaja ja stohket mánáiguin. Muhtumin bearaškafeas sáhttá gullat áššedovdiid sáhkavuoruid. Bearaškafeaid jođihit eaktodáhtolaččat.


Rieggát

MLL ordne iešguđetlágan rieggáid mánáide ja bearrašiidda. Rieggáin mánát ožžot oahpásnuvvat alcceset beroštahtti áššiide, stoahkat, dutkat ja oahppat iežaset leavttuin. Rieggás mánát ohppet doaimmat joavkkus ja ožžot ođđa ustibiid.

Bearašfáddarat

MLL skuvle eaktodáhtolaš bearašfáddariid, geat doibmet mánnábearrašiid doarjjaolmmožin. Bearašfáddarat veahkehit iešguđetlágan vanhenvuhtii laktáseaddji áššiin, dego mánáid bajásgeassin ja árgaeallimis nagodeapmi.

Bearašfáttar johtá mielde árgaeallimis ja fállá dorvvolaš rávesolbmo, geainna sáhtta bargat árgabeaivválaš áššiid ovtas. Bearašfáddara sáhtta oažžut dakkár bearaš, mas lea okta dahje mángga vuollel skuvlaahkásaš máná dahje bearaš, man eadni lea áhpeheapmin. Sáhtat maiddái skuvlejuvvot bearašfáttarin.



Leaksofáddarat

Eaktodáhtolaš MLL:a skuvlen leaksofáddarat veahkehit vuodđoskuvllalaččaid leavssuiguin gáiddusoktavuođa bokte.

Leaksofáttardoaimma ulbmil lea fállat vuodđoskuvlaahkásaš mánái persovnnalaš doarjaga skuvlavázzimii sihke luohtehahti rávesolbmo ságastallanskihparin.

Ulbmilin lea ovddidit máná lohkan- ja gielladáiddu sihke bajásdoallat máná skuvlamotivašuvnna. Leaksofáttardoaimmat dorjot maiddái vanhemiid veadjima ja olles bearraša buresbirgema.

Áhčči-mánná-doaimmat

Áhčči-mánná-doaimmain fáallet áhčiide doarjaga áhččin doaibmamii ja máná ja áhči gaskasaš vuorrováikkuhussii. Áhčiide ja mánáide ordnejuvvojit rieggát, áhčči-mánná-leairrat, áhčiid veardásašjoavku ja iešguđetlágan dáhpáhusat. Sáhtát maddái skuvlejuvvot áhččejoavkku jodiheaddjin.

**Buot áhčit leat bures boahtimat mielde
áhčči-mánná-doaimmaide!**



Doaimmat vanhemiidda

Veardásašjoavkkut

Veardásašjoavkkus deaivvada eará seammá eallindilis leahkki vanhemiid. Veardásašjoavkkus lea vejolaš ságastallat iežas vásáhusain ja dovdduin eará vanhemiiguin.

Veardásašjoavkku doallá álot jođiheaddji. Ovdamearkkat veardásašjoavkkuin leat vuosttas máná ožžon vanhemiid joavku ja vuostánággenahkášaš máná vanhemiid joavku. Sáhtát maidái doaibmat veardásašjoavkku jođiheaddjin.

Buot vanhemat leat bures boahtimat mielde veardásašjoavkkuide!

Ustibin sisafárrejeaddjieadnái

Ustibin sisafárrejeaddjieadnái -doaimmat veahkehit dábálaš suopmelaččaid ja sisafárrejeaddjietniid oahpásnuvvat. Ustibat golahit áiggi ovttas ja ohppet guđet guimmiineaset ođđa dábiid ja nuppiideaset giela. Ustit sáhttá rávvet mángga árgabeaivvi áššis, dego áššiid dikšumis iešguđetlágan virgedoaimmahagain.

Boađe mielde ustitdoaimmaide!

Giliáhkut ja giliádját

MLL:a giliáhkut ja giliádját leat eaktodáhtolaš rávesolbmot, geat háliidit addit áiggiset mánáide. Giliáhkut ja -ádját fitnet ovdamearkka dihte MLL:a bearaškafeain lohkamin mánáide máidnasiid, buđaldeamen ja stoahkamin mánáiguin.

Boađe giliáhkkun dahje -áddján!



Govva: Elias Lahtinen

Dáhpáhusat

MLL ordne olu iešguđetlágan olles bearrašii heivejeaddji dáhpáhusaid ja hutkkiid. MLL ordne maiddái logaldallamiid, main muitalit mánáid buresbirgemis, bajásgeassimis dahje vánhenvuođas.

Boađe mielde oažžut ođđa dieđu dahje ordnet dáhpáhusaid!



Boađe eaktodáhtolažžan!

Eaktodáhtolašbargu oaivvilda dan, ahte olmmoš addá iežas áiggi earáid veahkeheapmái ja oassálastá doaimmaide iežas dáhtus. Son ii oaččo bálkká barggustis. Dan sajis son oažžu ilu das, ahte oažžu veahkehit.

Eaktodáhtolašbarggu bokte oahpásnuvat maddái ođđa olbmuiguin ja oaččot ođđa vásáhusaid.

MLL:a eaktodáhtolaš oažžu bargui dárbblaš skuvlema ja doarjaga doaimmaide, ovdamearkka dihte rieggá dahje joavkku jodiheapmái.

Bargguid birra sohppojuvvo eaktodáhtolačča iežas áigedávvala ja beroštumi mielde.

Mannerheima mánáidsuodjalanlihtus leat mánggalágan eaktodáhtolašbarggut:

- bearaškafeajodiheadjit
- rieggá jodiheadji
- bearašfáttar
- skibir mánnái dahje nurrii
- áhčči-mánná-doaimmaid jodiheadji
- veardásašjoavkku jodiheadji
- giliáhku dahje -áddjá
- ustit sisafárrejeaddjieadni
- veahkeheadji dáhpáhusain




10

Mánáiddikšun

MLL skuvle ja gaskkusta bearrašiidda mánnágeahččiid. Sáhtát dingot MLL:a mánnágeahčči ruktosat, go dárbbasat gaskaboddosaš ja oanehisáigásaš veahki mánáid dikšumii.

Sáhtát dingot mánnágeahčči ovdamearkka dihte dalle, go vanhemat leaba bargomátkkis dahje háliideaba leat guovttá. Sáhtát oažžut mánnágeahčči ruoktot buot jándoráiggiid.

Diibmohaddi lea 10 €/diibmu. Sotnabeivviid diibmohaddi lea 20 €/diibmu.



Dingo mánnágeahčči
tel. +358 40 772 5078
<http://lastenhoito.mll.fi>
Rabas árgabeivviid diibmu 9-12

Govva: Anna Autio



Mo mun beasan mielde doaimmaide?

Boađe fitnat
biiredoaimmahagas.
Bargit rávvejit Du.



Mannerheima mánáidsuodjalanlihtu
Lappi biire

Pirkkakatu 2
96200 Roavvenjárga
Tel. +358 50 465 0704

Lassedieđut
MLL:a Lappi bires:
<http://lapinpiiri.mll.fi>
<http://www.mll.fi>

*Mannerheima mánáidsuodjalanlihttu
(Mannerheimin lastensuojeluliitto, MLL) lea rabas
álbmotsearvi, mii ovddida mánáid, nuoraid ja
mánábearrašiid buresbirgema.*

**Buohkat leat bures boahtimat mielde
MLL:a doaimmaide!**

Mannerheima mánáidsuodjalanlihttu Lappi biire

Pirkkakatu 2

96200 Roavvenjárga

Tel. +358 50 465 0704

Lassedieđut

MLL:a Lappi bires:

<http://lapinpiiri.mll.fi>

<http://www.mll.fi>